

KUTEKWA KWELICALA

 KuMakho, sahluko se 16, sicale ngelivesi le 9, ngifisa kufundza. Sihloko lesiyinkhatimulo kanje pho, kumayelana nekuvuka.

Manje ngesikhatsi Jesu sekavukile kusesekusenia ngelusuku lwekucala lweliviki, wabonakala kucala kuMariya Magadalena, kuloyo lakhipha kuye emadimoni lasikhombisa.

Futsi yena wahamba wabatjela labo lebebanaye, lapho basalila futsi bakhala.

Futsi bona, uma ba...nabeva kutsi bekaphila, futsi bekabonwe...bekabonwe nguye, abakhawlanga.

Emvakwaloko wabonakala kulesinye simo kulababili babo, lapho basahamba, futsi baya emaphandleni.

Nabo bahamba futsi bakutjela lalabanye labasele: nabo laba abazange babakholwe.

Kamuva, wabonakala kulabalishumi nakunye bahleti ekudleni, futsi wabasola ngekungakholwa kwabo nangebulukhuni benhlitiyo, ngoba bangabakhawlanga labo lebebambonile emvakwekuba sekavukile.

Wase utsi kubo, Hambani niye eveni lonkhe, futsi nishumayele livangeli kukokonke lokudaliwe.

Loyo lokholwako futsi abhabhatiswe uyawusindziswa; kodwua loyo longakhawlwa uyolahlw.

Naletibonakaliso leti tiyobalandzela labakhawlako; Ngeligama lami batawukhipha emadimoni; batokhuluma netilimi letinsha;

Batawuphatsa tinyoka; futsi uma banatsa nomayini lokubulalako, angeke kubenengoti kubo; bayobeka tandla tabo etikwalabagulako, futsi batosindza.

Ngako-ke emvakwekuba iNkhosi seyikhulumile kubo, yakhushulelwaz ezulwini, yase ihlala esandleni sangesekudla saNkulunkulu.

Kepha bona bachubeka,... bashumayela etindzaweni tonkhe, iNkhosi isebeita ngabo,... icinisekisa lelivi netibonakaliso tilandzela. Amen.

² Asikhuleke. Nkhosi Jesu, sitsi manje, njengoba sisondzela esihlalweni sebukhosia Babae. Futsi eGameni laKho, sikholwa loku kutsi kuLivi laKho. Sikholwa loku kutsi kungemaVi ekugcina lavela etindzebeni taKho ngaphambi kwekutsi Wenyukele etulu. Futsi sicela kutsi Utobabusisa etinhlitiyweni tetfu kulentsambama, ngenga yalabo labagulako. SiyaKubonga

ngekubita sibalo lesikhulu esiHhalweni saKho sebukhosi itolo ebusuku, futsi siwabonile lawomalandini lamakhulu alabobantfu, wesilisa, besifazane, bobabe, bantfwana, bomake, behla ngemugca futsi bangena kulelokamelo lemkhuleko. SiyaKubonga ngaloko, Babe. Futsi manje sikhulekela kutsi Utobapha tingcebo teMbuso waKho, futsi kwangatsi kungabakhona kukholwa emkhatsini wetfu kulentsambama kwenta Livi laNkulunkulu kutsi libe nguleliphatsekako kitsi. Futsi nguWe kuphela Longenta loku, Babe, ngako sikucela eGameni laJesu Khristu. Amen.

Ningahlala phansi.

³ Manje sihloko sami kulentsambama, ngifuna kusitsatsa, futsi sivakala singakejwayeleki kancane. Futsi ngifuna kusitsatsa ngenga yayitolo, ekudleni kwasekuseni, ngihlangane nalenye indvodza yeluhlobo lolukahle kakhulu, futsi ihleti emvakwami manje, ummeli. Futsi besikhulumu ngekutekwa kwelicala, futsi kucishe nje kube kulingiselwa kwekutekwa kwelicala, noma lokutsite, lokwaniketwa iNkhosi yetfu. Futsi ngi—ngikhulwa impela kutsi leyondvodza beyingaba yindvodza lencono kuma lapha futsi ikufanekise etinkantolo telive, ngoba ngikhulume ngaye kusukela ngihlangene naye, futsi u... Bangitjela kutsi ungummeli losimangaliso, ngako ngiyati kutsi bekatoMtekisa licala kahle. Kepha ngenga yekutsi Jesu akazange abeneluhlobo lolukahle lwekutekiswa licala... Futsi Yena uLivi. Sonkhe siyavumelana kuloko. ULivi. Ngako ngilifundzile Livi laKhe, futsi sitotekisa Livi licala kulentsambama.

Livi lisekutekisweni licala.

⁴ Licala likutsi, tetsembiso teLivi laNkulunkulu ticudzelene nelive. Nesizatfu salokubeka licala, sikutsi, kwephulwa kwestsembiso. Futsi i...ngicabanga kutsi ummeli loshushisako uhlala njalo amelele umbuso. Ngicabanga kutsi loko kunjalo. Futsi i...Sathane ungummeli loshushisako, umelele live, kulokutekwa kwalelical. Futsi loMmangalelwu nguNkulunkulu. Futsi loFakazi loVikelako nguMoya loNgewe. Ngako ngifuna kwenta libandla, libandla, kokubili basiti belijaji nelijaji. Futsi asive kutekwa kwelicala manje, njengoba siphakamisa emakhethini enkhundleni futsi sibone kutsi sihleti kuphi.

⁵ Manje, ningakhohlwa manje, kutsi i—i...lesikubonako lapha yimbangela yalokutekwa kwalelical, kutsi, Livi laNkulunkulu licudzelene nelive. Sizatfu salokubekwa licala, sikutsi, kwephulwa kwestembiso, loko kutsi, live liyasho kutsi Nkulunkulu wenta setsembiso lesingasilo liciniso. Loko kwephulwa kwestembiso, "Akasigcini setsembiso saKhe." Nemmel i loshushisako kulelical nguSathane, lomelele live. Futsi umbekwacala nguNkulunkulu cobolwaKhe. NaFakazi loVikelako nguMoya loNgewe.

Futsi manje sibita inkantolo kutsi ihleleke.

6 Futsi manje ummeli loshushisako utobita fakazi wakhe wekucala kutsi ete ebhokisini bese uyamfungisa. Futsi, manje, unabofakazi labatsatfu kulentsambama ngifuna kusebentisa, ufunu kusebentisa, njalo, kulokutekwa kwalelicala loku. Nalabofakazi laba banguMnumz. Longakhholwa, lolandzelako nguMnumz. Mniciati, nalolandzelako utobitwa kutoba nguMnumz. Longabeketeli. Manje, laba bofakazi labamelene nalelicala, kutsi, "Nkulunkulu akaligcini Livi laKhe. Livi laKhe alisilo liciniso."

7 Futsi singabona, ngaphambi kwekutsi sicale kuteka lelicala, kutsi—kutsi labanengi kakhulu belive batama kusho kutsi Livi laNkulunkulu alisilo liciniso. Sibonelo nje, loku ngisanda kufundza nje, bengifundza emanotsi labhalwe phansi ekugecineni kuScofield. Futsi bengicabanga ngendzaba lengacocelwa yona ngalesinye sikhatsi. Ngicabanga... angicabangi kutsi ngake ngayicaphuna, ikakhulukati kulomhlangano. Kodvwa, kutsi we—wesifazane ngalesinye sikhatsi wake waba nemfana lomncane lokahle, bekafuna kuba ngumshumayeli. Ngako bekaluhlobo lwewesifazane loluphuyile, futsi bekafuna umfana wakhe kutsi atfole konkhe kufundza lokuhle nekuceceshwa lebekangakwenta (lokukutsi, noma ngumuphi make angafuna umfana wakhe, uma abitelwe kulokunjengaloko), kungaba kuceceshwa lokuncono kakhulu lokungatfolwa, ngani, bekafuna abe nako. Ngako wamtumela kulenyen lekahle kunatotonkhe isemina yetenkholo lebekayati kutsi amtfumele kuyo.

8 Yebo-ke, bekalapho cishe umnyaka, futsi ngalelinye lilanga make wakhe lomfana wagula kabi nje, bekabucayi nje. Futsi—futsi bebasolo batfumela ema-thelegramu. Lowesifazane bekahlah yedvwa. Kutsi bekangahle abitelwe ekhaya ngoba bekanemkhuhlane lomatima, futsi wendlulela ku-nyumoniya lekabili, futsi bekanekuvimbana e...kwemaphaphu, futsi bekabukeka atokufa. Inhlitiyo yakhe yayikhomba kuba kabi kakhulu. Ngako dokotela lotsembekile bekenta konkhe lebekakwati kutsi kwentiwa kanjani, kusindzisa imphilo yalowesifazane, futsi bekasolo aya ngekuba kabi kakhulu. Ngako lo—lodokotela watfumela i—thelegramu kulomfo lomncane, futsi watsi, "Sukuma kanye nje. Tfola kubhuka indiza, lakumele ute khona kumake wakho nomangasiphi sikhatsi, ngoba ubukeka kwangatsi usedvutane impela nesigaba sekufa." Wase-ke lomfana, advumatekile ngalokuphelele, walungisa timphahla takhe futsi bekalungiselela kubamba indiza. Futsi—futsi i—thelegramu yefika ibuya kumake wakhe, "Ungaseti, ndvodzana. Sengiphilile."

9 Ngako-ke cishe emvakwemnyaka, noma tinyanga letisitupha kamuva, ngikholwa kutsi kwakungito, kutsi wabuyela ekhaya lakhe. Futsi emvakwekubingeleta make

wakhe, futsi bebanenhanganyelo ndzawonye, watsi, “Make, kunembuto munye losolo uhleti emcondvweni wami.” Watsi, “Ngesikhatsi ugula kakhulu,” futsi watsi, “awuzange sewubhale futsi ungitjele imininingwane. Usandza kusho nje kutsi wasindza, futsi awukaze ungitjele imininingwane yekutsi loku kwenteka kanjani.”

¹⁰ Watsi, “Ndvodzana, uyati entasi nesitaladi lapha, khona lapho lesositolo lesidzala igrosa sasivame kuhlala endzaweni letsite?”

“Yebo.”

¹¹ “Kunesicuku sebantfu entasi lapho labakhonta kuleso sakhiwo lesincane.”

“Yebo,”	watsi,	“Ngiyabakhumbula, bangemaPhentekhostali.”
---------	--------	--

¹² Watsi, “Yebo, kunjalo.” Watsi, “Ngesikhatsi sengikabi kakhulu,” watsi, “kunadzadze lokahle loweta lapha kimi. Futsi watsi, ‘Dzadze, besisentasi lapho enkonzweni yemkhuleko, futsi sicondzile kutsi bewugula kakhulu, futsi bewunemfana longekho lose—sesikolweni sesemina, kutsi abengumshumayeli. Futsi sisakhuleka, iNkhosi yembulile kitsi kutsi sifanele site sikukhulekele.’ Futsi watsi, ‘Yebo-ke,’” watsi, “‘loko, loko kutoba kahle.’ Watsi, ‘Awunankinga uma umelusi wetfu angeta akhuleke?’ Watsi, ‘Ngani, impela cha, dzadze. Ngitojabula,’ washo. Ngako baletsa i... Dokotela watsi kutoba kahle. Ngako umelusi weta, futsi wafundza lomBhalo lapha kuMakho, sahluko se 16. Futsi watsi, ‘Nguloku lokwashiwo liBhayibheli.’” Ngako wabeka tandla takhe etikwalowesifazane wase uyakhuleka, waphuma. Futsi, yena “welulama,” washo njalo.

“O,” watsi, “Make!”

Watsi, “Akumangalisi loko, ndvodzana na? Kucabange nje!”

¹³ “O,” watsi, “Make, kusobala loko bekungakaphatselani ngalutfo nekwelulama kwakho.” Utsi, “Mhlawumbe lomunye walomutsi dokotela lakunike wona phambilini, ayisebentanga nje kwangalesosikhatsi.”

¹⁴ Futsi watsi, “O!” Watsi, “Cha, ndvodzana. Lodokotela besavele ayekele kunginika umutsi tinsuku letimbili, watsi bekungekho intfo lebekangabe assayenta. Wangifaka nje ngaphansi kwe-oksjini futsi watsi bekungekho lebekangakwenta. Futsi ngangisolo ngiya ngekuba kabi kakhulu.”

¹⁵ “O,” watsi, “Make, kwa—kwakungesiko loko.” Watsi, “Uyabona, labo babantfu labangakafundzi.” Watsi, “Abacondzi kahle kahle. Bafundza nje liBhayibheli.” Futsi watsi, “Uyabona?”

Watsi, “Yebo-ke, asikafaneli yini kukholwa liBhayibheli, ndvodzana?”

¹⁶ “O, impela.” Watsi, “Make, sifanele siLikholve, kodvwa,” watsi, “uyati, esikolweni,” watsi, “sifundzile kutsi Lapho la afundza khona lapho kusukela kuMakho we 16, kusukela evesini le 9 kuchubeke, Alikaphefumulelwa ngisho.”

“Yebo-ke,” watsi, “ludvumo kuNkulunkulu!”

¹⁷ Watsi, “Make, wenta njengalabobantfu.” Wase utsi, “Ngani, wona kanye lomcondvo!”

Watsi, “Yebo-ke, s’tandwa, bengicabanga nje.”

Watsi, “Ucabangani?”

¹⁸ Watsi, “Uma Nkulunkulu bekangangiphilisa ngaleyoncenye yeLivi lengakaphefumulelwa, Bekayokwentani ngalelo leliphefumulelwe mbamba ke?” Ngako, Loko, Loko yi... [Libandal lishaya tandla—Umhl.] Ngako sikhola kutsi Liphefumulelwe.

¹⁹ Ngako, manje loku, sitovumela umshushisi abite bofakazi bakhe, wekucala kutsi ete ebhokisini, kufakaza amelane naloko.

²⁰ Ngisandza kusho loko emizuwini lembalwa leyendlulile, ngoba bengifundza nje, ngesikhatsi ngifundza lesihloko, uMnumz. Scofield usho kutsi leminye yemibhalo ayikakucukatsi Loko. Loko mhlawumbe kulapho la leyondzaba ivela khona. Kodvwa Injalo.

²¹ Ngako uMnumz. Longakhola uta ebhokisini, futsi akangene ebhokisini manje kutsi afakaze kumelane neLivi laNkulunkulu, kutsi afakaze amelane naLo. Futsi manje uma a... Utoba ngufakazi wekucala kuma ngakuye. Manje sitfola kutsi emvakwekuba sekafungisiwe, manje sikhala sakhe ngulesi, kutsi “tetsembiso teLivi laNkulunkulu atisilo liciniso ngalokuphelele.”

²² Manje, bonkhe labofakazi lomshushisi labaletsako, batisho kutsi bangemakholwa. Bonkhe batisho kutsi bangemakholwa, noma, baniketa bufakazi baloku, “Besingeke setsamele tinkonzo letinjalo kube besingesiwo emakholwa.” Ngako ba—batsi bangemakholwa.

²³ Nesikhalo uMnumz. Longakhola lasiniketako ngecumelana neLivi laNkulunkulu, yena utsi “Makho we 16 akasilo liciniso, Angeke nje abe liciniso.” Ngoba washo kutsi bekagula sikhatsi lesidze, futsi uniketa bufakazi bakhe manje kutsi bekagula sikhatsi lesidze, futsi yena “waya emhlanganweni lotsiwa waMoya loNgcwele lapho bantfu bebabeka tandla etikwalabagulako, futsi batisho kutsi bebaphiliswa.” Ngako wangena kulelilayini lalabakhulekelwako, futsi ngesikhatsi enta... Bekagule sikhatsi lesidze, futsi yena “wakhulekelwa ngaloMoya loNgcwele lona, lobitwa kanjalo, sicuku sebantfu baMoya loNgcwele lebebamemeta futsi benta imisindvo, futsi batisho kutsi baphilisiwe.” Futsi uMnumz. Longakhola wahamba

ngalelilayini, waba nekubekwa tandla etikwakhe, “Futsi loko bekungetulu kwetinyanga letimbili letendlulile, futsi akukaze kubekhona ngisho nasinye sibonakaliso sekusindza.” Ngako utsi “Livi laNkulunkulu, leyoncenyenye, ayisilo liciniso.”

²⁴ Manje, ngako umshushisi wehlisa fakazi wakhe wekucala, uletsa fakazi wakhe lolandzelako ebhokisini. Futsi nafakazi lolandzelako uyeta, nguMnumz. Mncikati. Ufungile ekhatsi, ungena ebhokisini. Manje, utisho kutsi ulikhholwa, futsi wa “kuva le edolobheni kutsi bebanelibandla lapho bebanemelusi lowetsembekile, lobitwa ngendvodza lemesabako nkulunkulu, lisho njalo libandla. Nalendvodza iyawukholwa umBhalo, ngako itsi. Futsi yakhulekela labagulako futsi yabagcoba ngemafutsa. Futsi yafundza sahluko saloku eBhayibhelini, kuJakobe sahluko se 5, livesi le 14, ‘Ukhona emkhatsini wenu logulako na? Ababite emalunga elibandla, futsi ababagcobe ngemafutsa, babakhulekele; Umkhuleko wekukholwa uyomsindzisa logulako, naNkulunkulu uyobavusa.’” Ngako watsi uyangena, ayindvodza legulako, bekasaliwe kutsi akhone kwendlula kulomkhuhlane longapheli lebekanawo. Nadokotela washo kutsi bekangeke akhone kusindza kuko, ayikho indlela yekutsi ake endlule kuko. Ngako wa “tsatsa Nkulunkulu eVini laKhe,” futsi wa “tfola lona lekutsiwa ngumelusi lomesabako nkulunkulu,” kutsi lonkhe libandla belinabobonke bufakazi kutsi bebaphilisiwe, nakanjalonjalo. Nalomelusi lomesabako nkulunkulu wakhulekela etikwakhe, amgcoba ngemafutsa, ngekweLivi laNkulunkulu. Akabungabatanga bucotfo balendvodza, akabungabati bucotfo belibandla; kodvwa umelusi wachuba luhlelo njengoba nje liBhayibheli lisho, wamgcoba futsi wamkhulekela. “Futsi loko kwakuncono kwendlula tinyanga letisitfupha letendlulile,” futsi yena “akabonisanga ngisho nalunye lumphawu lwekusindza.” Ngako uniketa lobobufakazi. Manje fakazi wesibili uehla.

²⁵ Umshushisi ubese uletsa fakazi wakhe lolandzelako, lokunguMnumz. Longabeketeli. Uyavusa futsi uyamfungisa, kuniketa bufakazi lobumelene neLivi laNkulunkulu, kutsi alisilo liciniso. Lendvodza iyavela futsi itisho kutsi ilikhholwa, futsi bekafundza ngalelinye lilanga kuMakho, sahluko se 16, noma sahluko se 11 saMakho, njalo, futsi sicale ngelivesi lema 22, lapho Jesu cobolwaKhe... Utisho kutsi “uneliBhayibheli lelinemagama labovu, futsi lamagama labovu ngulawo kanye nje Jesu lawakhulum, cobolwaKhe. Futsi kutsi kuleliBhayibheli lelinemagama labovu, kuMakho, sahluko se 11, lapho Jesu bekakhulum khona, Wenta lelicaphuno leli, ‘Kholwani nguNkulunkulu. Ngoba Ngicinisile, Ngicinisile, Ngitsi kini, uma nitsi kulentsaba “phonseka elwandle,” futsi ningangabati, kodvwa nikholwe kutsi lelenikushito kutokwenteka, ningaba nako lelenikushito.’” Futsi yena “bekakhuatekile,” uyasho lapha, “iminyaka

le—leminengi kakhulu,” kusukela asengumfana. Bekakadze asishosha etinyaweni takhe. Bekadzingeka ahambe ngetimboko tekuhamba. Ngako wemukela loko ngekutsi uLivi laNkulunkulu lelingenakuphosisa, futsi watsi ngekhatsi kwenhlitiyo yakhe, njengoba ashо, kutsi uyafakaza manje, watsi, “Ngitoхamba.” Futsi wemukela Livi laJesu Khristu, watsi uyohamba ngoba Jesu washо njalo. “Uma nitotsi kulentsaba ‘cukuleka,’ futsi uma wemukela, uma ukhuleka, kholwa kutsi uyakwemukela loko lokucelile, futsi utoba nako.” Futsi wakucela, wakukhulekela, washо kutsi “utobanako, futsi leyo yiminyaka lesihlanu leyendlula.” Futsi usasolo asishosha etinyaweni takhe, akaze abencono.

²⁶ Manje umshushisi uyavela emvakwekuba bofakazi bakhe sebanikete emacaphuno lamatsatfu lehlukene emBhalo (lokukutsi, etinkantolo temaJuda, ngufakazi), uniketa bofakazi labatsatfu bemBhalo lowabhalwa eBhayibhelini laNkulunkulu, “kucatjangwa kutsi Jesu Khristu waKusho,” lokuyiNdvodzana yaNkulunkulu, Nkulunkulu entiwe inyama, ahlala kuMuntfu, kungabinasiphosiso. Nalomshushisi uyavela manje kushicilela licala kini nine bantfu.

Manje, niyakhumbula, nibasiti belijaji futsi nilijaji.

²⁷ Ngako umshushisi ufunu nati manje, njengoba ashicilela lelicala, futsi, labantfu laba batishо kutsi bangemakholwa njengoba nje bonkhe labanye babo basho njalo. Ngako uyashо futsi, umshushisi ufunu nati, kutsi “Nkulunkulu akalungisiswa ekubekeni tetsembiso letibudlabha kanje eVini laKhe, uma Angakwesekeli, ngoba Uniketa loku kubantfwana baKhe labakholwako kutsi bakusho. Futsi ngekutsi bona bakusho, baletfwa ehlazweni futsi bayahlazeka, ngekusho emaVi langesilo liciniso.” Umshushisi manje, “Ngoba Wehlulekile kwenta tetsembiso talabofakazi labatsatfu, lokuchutjwa nciamashi nje ngekusho kweLivi laNkulunkulu.” Futsi ufunu, lomshushisi ufunu nati kutsi “Nkulunkulu wehlulekile, kuto tonkhe letigaba letintsatfu, kwenta nomangukuphi kubonakaliswa kwekugcina Livi laKhe” (ukubetsela phansi entela wena), “nakulamakholwa latishoko.”

²⁸ Bese-ke futsi, umshushisi ufunu kujika, anente ninake lenye intfo letsite. “Yena, loku nguNkulunkulu, wetsembisa kutsi tonkhe tintfo betingenteka kulabo labakholwako. Wakwetsembisa loko.” Umshushisi ufunu nati loko. “Nalaba lababitwa ngemakholwa utamile kugcina leLivi leli, futsi Wehluleka kuLigcina, ngako Wavula licala ngekwephuka kwasetsembiso.”

²⁹ Noko futsi, umshushisi ufunu kutsi ninake lelinye Livi laNkulunkulu. “Utishо kutsi uyaphila emvakwekuфа kwaKhe. Jesu utishо kutsi uyaphila emvakwekuфа kwaKhe.” Nalomshushisi ufunu nati kutsi akaze “abone uMuntfu

lonetibati tetipikili etandleni taKhe, netibati emtimbeni waKhe wonkhe tekushaywa, nemidvwa netibati tekugwazwa etinyaweni taKhe.” Kanjalo futsi akaze yena “abone noma ngumuphi umchele wemanyeva etikwenhloko yemuntfu. Kepha noko Utisho kutsi uyaphila emvakwekuwa kwaKhe. Futsi Uyasho, kutsi kumaHebheru 13:8, kutsi Uyaphila. Futsi akunjalo. Uyasho futsi, esahlukweni saLukha, sahluko se 17 nelivesi lema 30, kutsi kuletinsuku leti lesiphila kuto manje, kutsi Uyotembula cobolwaKhe; njengoba Bekanjalo ngalesosikhatsi, Uyoba njalo ke. Uyasho futsi,” umshushisi manje kushicilela licala, “kutsi eSambulweni se 10, kutsi ingelosi yesikhombisa, uma icala kuvakalisa” (leyo yi—yingelosi ebandleni laseLawodisiya, lefanele kubita libandla libuyele ekuKholweni kwabobabe), “kutsi uma lengelosi ivakalisa, kutsi tonkhe timfihlakalo taNkulunkulu tiyokwembulwa ngalolosuku. Uyatisho futsi, kutsi kuMalakhi 4, kutsi baprofethi labangcwele baprofetha kutsi kuyobakhona umprofethi lovukako ngalolosuku, kwenta letintfo latishoko tibeliciniso. Futsi kute nakunye kwaKo lokunjalo! Utisho futsi kutsi emazulu nemhlabu kutowehluleka, kodvwa Livi laKhe lingke lendlule.”

³⁰ Manje umshushisi unelicala lapha. Uyakushicilela loku ngco. Manje ukunika nine tetsameli, kini nine nobabili lijai nebasiti belijaji. Manje sesiluvile luLangotsi lwakhe, sivevile bofakazi. Siyakuva labakushoko ngaLo. Siyeva kutsi umshushisi uyatsela ekhatsi, Livi, futsi ulishicilela etinhlangotsini totimbili, “Tonkhe letetsembiso Nkulunkulu latenta, futsi akukho ngisho nasinye sato” kutsi langasibona “lelo liCiniso.” Ngako utama kubeka licala Nkulunkulu, nakuye “Ngekwenta letotetsembiso letibudlaba, ngoba letetsembiso Nkulunkulu latentile tibudlabha mbamba. Letetsembiso Latentele lolusuku lolu tibudlabha mbamba. Futsi Akitigcini Tona!” Manje sesiluvile luLangotsi lwakhe, ngako manje asibite fakazi wemshushisi kutsi ehle, nemshushisi.

³¹ Futsi manje sitobita Fakazi loVikelako kuMmangalelw. NaFakazi loVikelako manje nguMoya loyiNgewe, manje Uyeta futsi uma ebbokisini etela uMmangalelw. Manje, intfo yekucala Lafuna kuyibita kunaka kwalenkantolo, haleluya, kutsi umshushisi uhumusha ngalokungesiko Livi kubantfu, njengoba nje enta ku-Eva ekucalen. Khumbulani, bekangumhumushi wakhe. Nkulunkulu washo kutsi bafanele benteni, futsi akuyuze kubekhona kufa, lusizi noma lutfo, futsi wefika wase uhumusha ngalokungesiko Livi. Ngako-ke uma umuntfu angena ngemuva kweLivi laNkulunkulu, kubenta ini? Akavikelwa nguNkulunkulu. Kodvwa, niyabona, Sathane bekangumhumushi weLivi ku-Eva. Bekangeke alalele kumyeni wakhe nakuNkulunkulu, kodvwa watsatsa kuhumusha kwemshushisi kweLivi. Futsi akanalungelo kuniketa kuhumusha, futsi kute nanomangumuphi umuntfu

lonelilungelo. Nkulunkulu unguMhumushi Yena ngekwaKhe. Akasidzingi; Uyaligcina Livi laKhe, siyakhholwa. Manje ufunakubita kunaka kwenu kuloko, kutsi yena kanye nje lomhumushi emaGameni aNkulunkulu lakhulunywa, ngumshushisi lotama ku—kuletsa kubeka licala embikwalenkantolo kulentsambama, ngalokufanako, futsi ulihumushe ngalokungesiko Livi. Leyo yintfo yekucala Fakazi loVikelako lafuna kuyisho. Manje, Bekafuna kutoninakisa loku, kutsi bekangumhumushi wa-Eva futsi walihumusha ngalokungesiko Livi.

³² Indzawo yekucala, Ufuna kuniniketa lomcondvo lona, kutsi lesetsembiso kuphela semakholwa; hhayi bazenzisi, banchikati, noma labangakhholwa. Salabo kuphela labakhholwako! Manje Ufuna lenkantolo...Fakazi loVikelako (Moya loyiNgcwele) ufunalenkantolo kutsi icondze kutsi letetsembiso leti talabakhholwako kuphela.

Khona-ke sekabutisisa, watsi, “Lawa ngemakholwa!”

³³ Futsi manje Fakazi loVikelako cobolwaKhe ufanele ati kutsi bangemakholwa yini noma cha, ngoba Nguye Lophilisa lesetsembiso. Manje utakwendlula kanjani kuloko? Unekutekiswa licala lokushisa bhe lokuchubekako. Utokwendlula kanjani kuloko na? Moya loyiNgcwele ufanele ati, ngoba UkuPhila lokuseVini, Nguye Lophilisa Livi. Njengemoya wakho nje uphilisa umtimba wakho, nemtimba uphiliswe ngumoya; ngaphandle kwamoya, umtimba awusebenti, umtimba ufile. Futsi Livi lifile ngaphandle kwaMoya. Kubita uMoya kuveta Livi, kuLenta liphile. Futsi UnguMphilisi waleloLivi, futsi UnguFakazi loVikelako weMmangalelw. Amen. Utokutfola kanjani kwendlula loko? Ngifuna lenkantolo icondze loko kahle kakhulu, kutsi UnguMphilisi, Ufanele ati. Uphilisa Livi.

³⁴ Futsi, Ufuna kutsi kubita kunaka kwalenkantolo eVini lesetsembiso lelekukhulunywa ngalo. Akazange sekabeke sikhatsi lesitsite kubo kutsi basindze ngaso. Watsi, “Umkhuleko wekukholwa utomsindzisa logulako, futsi Nkulunkulu uyobavusa.” Akashongo kutsi “ngaso lesosikhatsi.” “Bayobeka tandla etikwalabagulako, futsi bayosindza.” Akazange atsi, “lusuku, inyanga, umnyaka.” Watsi nje, “Bayokwenta!” Fakazi loVikelako ufunaukwati loko, kutsi Akashongo kutsi kuyobakhona ummangaliso lowentiwa. Watsi nje, “Bayosindza!” Humusha Livi ngalokungiko. “Bayosindza.” Akazange abeke sikhatsi lesitsite. Futsi, loko kukutsi, uma bangemakholwa! Uma bangemakholwa, bayosindza. “Bayobeka tandla etikwalabagulako, futsi bayosindza,” nomangabe ngumanje, liviki, inyanga, umnyaka, iminyaka lelishumi, iminyaka lengemashumi lamabili, iminyaka lengemashumi lasihlanu. “Batosindza,” Washo njalo! Loko kutsi, uma bangabambelela ekukholweni kwabo. Manje, loyo nguFakazi loVikelako.

³⁵ Lenye intfo, Fakazi loVikelako lafuna kubita letinkantolo kutsi ikunake kulentsambama kutsi, futsi, Livi liyiMbewu, neMbewu ifanele iwele emhlabatsini lovundzile kute uyimilise. Imbewu ingeke ize imile edvvaleni. Imbewu ifanele ibenemvundvo. Futsi Livi litofanele liwele ekukholweni, lokuyimvundvo lefeza Livi. Manje Fakazi loVikelako kulesikhatsi lesi...

³⁶ Besingabita letinye tincumbi, tintfo lebetingashiwo. Kodywa, asifuni kunihlalisa sikhatsi lesidze kakhulu, sinelilayini lelikhulu lalabakhulekelwako. Ngifuna nine, inkantolo, kutsi nilalele.

³⁷ Fakazi loVikelako manje utobita fakazi waKhe. Niyabona, Fakazi loVikelako unelilungelo lekubita fakazi, ngoba umshushisi wajika, wabita fakazi. Manje Fakazi loVikelako utobita fakazi. Futsi loFakazi loVikelako ufisa kwetfulla kulenkantolo, kulentsambama, umprofethi Nowa. “Wota ngembili, Nowa, futsi ungene ebhokisini. Manje, ngiyacondza kutsi unebufakazi lobumayelana neLivi laNkulunkulu lelanikwa wena.”

“Yebo.”

³⁸ Lofakazi namuhla ufunu kusho, kulenkantolo, kutsi bekangumuntfu phaca nje futsi wamkhola Nkulunkulu. Futsi bekaphila emnyakeni wesayensi, lapho bebakhola khona kutsi tinsuku temimangaliso lwalungakaze lubekhona. Kwakungakaze kubekhona mvula etikwemhlabo, kodywa ngalelinye lilanga wahlangana naNkulunkulu. Futsi Nkulunkulu wamtjela kutsi alungise umkhumbi wekusindzisa bantfu, futsi wonkhe loyokuta kulomkhumbi uyoindziswa. Nalofakazi ufunu kusho kutsi yena ngesizotsa, ngayo yonkhe inhlitiyo yakhe, wakukholwa. Futsi wahamba wayokushumayela. Futsi wahamba, akakushumayelanga nje kuphela, kodywa, kwenta imisebenti yakhe—yakhe ifakaze ngekukholwa kwakhe, wacala kwakha umkhumbi.

³⁹ Nalofakazi ufunu kukhomba ngemuno kuMnumz. Longakholwa, nakuMnumz. Mncikati, neMnumz. Longabeketeli. “Bangihlupha imini nebusuku. ‘Itokuna nini leyomvula na? A, loko ukushito emnyakeni lowendlulile, futsi akukho mvula etulu lapho. Siye kubososayensi futsi bafakaza kutsi akukho mvula etulu lapho.’ Futsi bebatisho kutsi ngiyahlanya. Futsi bangihhalatisa futsi bangitjela kutsi ngi ‘silima futsi anginaki’ kukholwa setsembiso lesibudlabha kanjena njengaleso, kumelana nelucwaningo lwesayensi.” Kodywa watsi, “Ngasebenta ngaloluhlelo, ngoba, ngabambelela ngingatataleti ngoba ngangati kutsi KwakuLivi laNkulunkulu futsi Lingeke lehluleke. Ngakha umkhumbi.

⁴⁰ “Futsi emvakwekuba umkhumbi sewucedziwe, khonake bahhalatisi bagijima lapho batungeleta umphongolo,

nsuku tonkhe, futsi lapho ngiseme ekhatsi lapho, emnyango ngishumayela kubo. Futsi basasolo batsi, ‘Manje, loko sekube yiminyaka lelikhulu nemashumi lamabili leyendlula, manje iphi lemvla yakho? Ngako, uyabona, kusebenta kwakho bekulite konkhe,’ basho njalo. ‘Bososayensi betfu bacinisile, futsi ayikho intfo lenjalo. Futsi uyindvodza lendzala nje lelula yekukholelwa esetsembisweni lesibudlabha kanjengaleso.’

⁴¹ “Kwase-ke kufika lusuku ngesikhatsi ngicala kuphuma ngalokunye kusa, ngaphuma emkhunjini wami. Futsi, khona masinyane nje, ngaphandle kwesandla kuwo, umnyango wavaleka ngco ebusweni bami, futsi ngavalelwa ngekhatsi. ‘Manje kwase kwentekani?’ Ngase ke ngicanca emaladi lengiwakhile, futsi ngakhuphukela ngetulu, ngase ngivala lifasitelo. Futsi ngangibeva ngephandle; uMnumz. Longakholwa ahleti laphaya, uMnu. Mncikati, neMnumz. Longabeketeli; atsi, ‘Manje kwentekeni? Uvalelekile yena lucobo!’ Futsi ngacabanga impela imvula itokuna ke. Futsi lusuku lengangena ngalo kwakungumhlaka 27...noma kwakulusuku lwe 17 ngenyanga yeNkhwekhweti. Umnyango wavalwa embikwami nje. Ngabitela bantfu bami ndzawonye, futsi ngatsi, ‘Lungiselela, imvula itobe seyina emizuzwini lembalwa lelandzelako.’ Futsi, lusuku lonkhe, uMnumz. Longakholwa neMnumz. Mncikati neMnumz. Longabeketeli bahamba batungeleta futsi batungeleta lomkhumbi wami, bangigceka, basho tonkhe tinhlobo tebubi ngami. Kodvwa ngatjela libandla lami, ‘Thulani. Nkulunkulu wenta setsembiso!’

⁴² “Lusuku lwesibili, lilanga liyaphuma, kuyakhanya; kute imvula, kute kudvuma kwelitulu, futsi kute umbane. Lusuku lwesitsatfu, lokufanako, lwesine, lwesihlanu, lwesitfupha. Kodvwa ekuseni kwelusuku lwe 24 lweNkhwekhweti (iminyaka lelikhulu nemashumi lamabili kamuva), nako kufika imphophoma yehla ivela eZulwini. Futsi bonkhe labagcotjwe nguMnumz. Mncikati, Longakholwa, neMnumz. mbeketeli babhubha ngephandle kwalapho.”

⁴³ Fakazi lovikelako watsi, “Hlala phansi, Nowa. Ngifuna kubita lomunye fakazi. Yenyuka, Mnumz. Abrahama, ngifuna unikete bufakazi.”

⁴⁴ UMnumz. Abrahama uyakhuphuka, futsi watsi, “Ngangisebenta epulazini lami ngaphandle nje kwe-Uri, live laseKhaledi. Futsi bengishade nadzadzewetfu lengingatalwa naye, ligama lakhe kwakungu-Sarayi neligama lami lalingu-Abraha. Futsi ngahlangana naNkulunkulu, naNkulunkulu wangitjela kutsi ngangitoba neluswane ngaSara. Futsi Sara, kulesikhatsi lesi, bekaneminyaka lengemashumi lasitfupha nesihlanu budzala, futsi benginemashumi lasikhombisa nesihlanu eminyaka budzala. Futsi Nkulunkulu wangitjela kutsi ngitoba neluswane ngaSara, nangalowomntfwana umhlaba wonkhe uyobusiswa, futsi bengiyoba nguyise

wetive. Ngekushesha ngabuya, ngenca yalokujabula loku lokwakusenhlitiyweni yami. Bengihlala ngibatsandza njalo bantfwana, futsi ngicabanga kutsi angiyuze ngibe nabo. Kodvwa ngesikhatsi Nkulunkulu atsi bentitoba naye, ngaMkhholwa. Ngaya kudokotela kuyokwenta emalungiselelo. Wangicosha ehhovisi, uMnumz. Longakhola bekahleti lapho. Futsi ngaphumela esitaladini, nalabasemagunyeni bebafunga kungibopha ngeludzaba lwekungaphili engcondvweni. Kwase kutsi-ke lapho iminyaka ichubeka, uMnumz. Longabeketeli wangihlupa imini nebusuku.

⁴⁵ “Inyanga yekucala, ngatsi kumkami, Sara. Uyabona, bekasasendlule kadzeni sikhatsi sekuma kuya esikhatsini, kwancamuka kuye njengoba kunjalo ngebesifazane. Futsi ngatsi kuSarah, ‘S’thandwa, sinawo onkhe lamabhuzanyana ebantfwana nawo onkhe emabhayi, ne—ne—netipeneti? Sesilungele wonkhe, asinjalo na?’ ‘Ya, silungele wonkhe.’ ‘Kutokwenteka manje, gadza nje wena.’ Futsi ekupheleni kwetinsuku letingemashumi lamabili nesiphohlongo, ngatsi, ‘Utiva unjani, s’thandwa na?’ ‘Kute umehluko, Abrahama.’” Yebo-ke, watsi, “Ngatsi, ‘Akabusiswe Nkulunkulu! Sara, ungakungabati. Nkulunkulu ushito njalo, sitoba naye noma kanjani!’ Loku kwachubeka eminyakeni.

⁴⁶ “Futsi emvakwemyaka lowendlulako, uMnumz. Mncikati, uMnu. Longakhola, bonkhe bahlekisa ngami. Kodvwa eminyakeni lengemashumi lamabili nesihlanu kamuva, loluswane lwatalwa ngesikhatsi sengineminyaka lelikhulu budzala. Nkulunkulu akangitjelanga kutsi ngitoba neluswane ngelusuku lolulandzelako. Watsi Ngitoba nalo! Futsi anginanzabu kutsi kutsatsa sikhatsi lesidze kangakanani, Nkulunkulu wakwetsembisa! Ngalindza iminyaka lengemashumi lamabili nesihlanu. Bebacabanga kutsi ngangitoguga kakhulu ngangitokufa, kodvwa ngatsi, ‘Ngingeke ngife, lesetsembiso sami. Nkulunkulu washo njalo!’

⁴⁷ “Kanjani Mnumz. Mhhalatisi neMnumz. Longakhola, Mnumz. Mncikati, Mnumz. Longabeketeli, bebasolo bete njalo lapho, banendvodza legcotjiwe, lets, ‘Abrahama, sebangakhi bantfwana manje, *babe wetive*, lose unabo?’ Kodvwa ngabambelela ngingatataleti, ngoba angitange ngiyendze eVini laNkulunkulu ngekungakhola. Bengati kutsi Nkulunkulu bekangakhona kugcina lonkhe Livi Laletsembisa. Angiwunakanga umtimba wami lucobo, ngisho lofile, nekuwa kwsibeletfo saSara. Kodvwa ngakholelwa kuNkulunkulu. Batsi, ‘Yebo-ke, bengicabanga kutsi utsite eminyakeni lengemashumi lamabili nesihlanu leyendlulile bewutoba naloluswane na?’ ‘Ngakusho eminyakeni lengemashumi lamabili nesihlanu leyendlula.’ Kodvwa uMnumz. Longabeketeli lapho, watsi, ‘Yebo-ke, iminyaka lengemashumi lamabili nesihlanu sewuphelile. Tibuke manje! Emadzevu entasi

alengela emadvolweni akho, cishe impela. Buka, sewulikhehla.' Ngamatisa kutsi Nkulunkulu akangitjelanga kutsi kunini lapho ngangitobanalo khona loluswane. Watsi, 'Utoba nalo ngaSara,' futsi loko kwakucatulula! Ngabambelela ngingatatateli. Manje Livi alizange lisho kutsi *nini*, Latsi kuyoba njalo!"

⁴⁸ Ake sibite lomunye fakazi ngalokukhulu kushesha, asinaso sikhatsi lesinengi. Singabita emakhulu abo. Asesibite lomunye fakazi noko, Mosi, sibenaye kutsi afakaze.

⁴⁹ "Ngani," watsi, "Ngaceceshwa kuko konkhe kuhlakanipha kwebaseGibhithe. Nganginguprofesa kuloyo lobekangeke abe nako. Kodvwa ngalelinye lilanga ngemuva kwelugwadvule, emvakwekuba sengineminyaka lengemashumi lasiphohlongo budzala, ngahlangana naNkulunkulu. Futsi Bekasesimeni se-sesibonakaliso, futsi Bekangumlilo lovutsako emuva esihlahleni. Futsi U-Ungitjele kutsi Ukuvile kububula kwebantfu baKhe, futsi Wakhumbula setsembiso saKhe kubakhulula. Futsi Watsi, 'Ngiyakutfuma.' Ngase ngitsi, 'Ngingubani nje mine? Angikwati kukhuluma kahle. A—a—angi—angisuye lo—angisuye siyazi wetenkholo. A—angeke ngihambe.' Watsi, 'Utonikwa tibonakaliso letimbili. Lesinye sato siyoba sesandleni sakho, lelesinye sibe ngendvuku. Futsi uma bangeke baweve emaphimbo alesibonakaliso lesi, khonake tfululela emanti emhlabatsini, atogucuka abe yingati, khonake loko kuyakucedza.'

⁵⁰ "Ngesikhatsi ngitsatsa lesibonakaliso sami leso Nkulunkulu langinika sona futsi ngehlela embikwaFaro, uMelusi Faro, wetama kwenta lesiphiwo sami sibukeke kungatsi asingetsembakali. Watsi, 'Cishe wonkhe umbhuli loshiphile noma umGibhithe angakwenta loko. Cishe wonkhe somlingo loshiphile angayenta lemigilingwane lena.' Futsi wakhipha bafo lababili ligama lakhe nguJambresi naJannesi, futsi empeleni balingisela yonkhe info lebengiyentile. Kodvwa loko akungimisanga, ngoba leliPhimbo lelingitfumele laliliPhimbo lemBhalo, futsi ngahlala nalo. KwakuLivi laNkulunkulu.

⁵¹ "Kwakusibonakaliso semBhalo neliPhimbo lekwemBhalo, 'Ngoba Ngiyasikhumbula setsembiso saMi, nesikhatsi sesisedvute.' Bebangenabo baprofethi ka-Israyeli emakhulu eminyaka, iminyaka lengemakhulu lamane nemashumi lamane, bebete baprofethi ka-Israyeli. Kodvwa Watsi, 'Ngiyakutfuma kutsi ubengumunye.'" Wase uyahamba. "Futsi Wangitjela loko, kutsi kube sibonakaliso, Ngitawu 'buya futsi ngiletse bantfwana kulentsaba lena.' Kwatsatsa sikhatsi lesidze, kodywa ngakwenta. Ngahlala ngekweliciniso eVini. Futsi ngesikhatsi Jambresi nalabo balingisi benyama lebetama kukuhhalatisa, kepha noko bengingati kwasandzaba kutsi kungakanani kuhhalatisa lebebangakuniketa . . ."

⁵² Niyati yini kutsi loko kutophindzeka futsi etinsukwini tekugcina? Jesu washo njalo. LiBhayibheli latsi, “Njengoba Jannesi naJambresi bamelana naMosi, kanjalo nalawa indvodza etinsukwini tekugcina,” balingisi batama kwentisa kwako, bakopa kulomunye.

⁵³ Kodvwa watsi, “Ngema ngathula ngoba bengati kutsi leliPhimbo laliliPhimbo lemBhalo.” Noko kwakukhona lababili babo, futsi munye kuperhela wakhe. Kodvwa wehla futsi wenta loko la...futsi yena, kwafakaza kutsi kuliciniso, wabuya ngco entsabeni lapho Nkulunkulu amtjela khona.

⁵⁴ “Hlala phansi, Mosi. Asibite lomunye fakazi ngalokukhulu kushesha. Joshuwa.”

⁵⁵ Joshuwa watsi, “Ngesikhatsi sesisondzela eveni, senyukela eKhadeshi-barneya. Futsi Mosi, inceku yaNkulunkulu, wahamba futsi watsatsa konkhe kwe...munye kuto tonkhe tive, munye kuwo onkhe emahlelo, futsi watsi, ‘Asesambeni sihlole lelive.’ Futsi sawela, lababili betfu, futsi sabuya nebufakazi lobubonakalako kutsi lelive lalilihle.” Bebanebufakazi balo. Lawo bekangemaphentekhostali sibili. “Ngako abuya nebufakazi lobubonakalako kutsi live lalilihle. Kodvwa uma sekufika ekutsatseni live lonkhe, batsi, ‘Singeke sikhone kukwenta. Singeke sikhone kukwenta. Asikhoni kukwenta.’ Futsi bonkhe bantfu badzabuka, bebangati kutsi benteni, nguyiphi inhlango lebebafanale baye kuyo. Futsi ngabathulisa, ngatsi, ‘Khumbulani, setsembiso saNkulunkulu! Nkulunkulu watsi, “Ngininikile lelive.” Futsi loko Nkulunkulu lakwetsebisako, Utokwenta!’ Ngibathulisa bantfu. Ngelusuku lolulandzelako, wena utsi, ‘Sitohamba yini?’ Ngelusuku lolulandzelako, ‘Sitohamba yini?’ Kwakuyiminyaka lengemashumi lamane kamuva, kodvwa salitsatsa lelive!”

⁵⁶ Lomunye futsi fakazi, ngalokukhulu kushesha, kwangatsi ngingabita Isaya kutsi ete ebhokisini. “Isaya, ungakhona kufakazela Fakazi loVikelako, futsi uvikele lalababekwe licala, Lobekwe licala?”

⁵⁷ “Ngitokwenta. Beningumprofethi. Beningumprofethi locinisekisiwe. Lengakusho, bekungesiko...Be-beningati kutsi bengitsini, kodvwa Nkulunkulu wenta loko lengikushito kwafezekwa. Wonkhe umuntfu ucala kukukholwa, lonkhe libandla, bacala kukukholwa. Futsi ngalelyne lilanga intfo lengakejwayeleki yenteka. INkhosi Nkulunkulu yatsi kimi, ‘Israyeli ufunu tibonakaliso, ngako ngifuna bakwente loko, kodvwa ngitobanika Sibonakaliso lesikhulu. Futsi loko kutoba kwemnyaka lomkhulu kakhulu, uma banemasuphamakethe netindiza letinkhulu naletinkhulu, yonkhe intfo iyinkhulu. Ngitobanika Sibonakaliso lesikhulu, intfombi ntfo iyokhulelwa!’ Nami ngingumprofethi locinisekisiwe, yonkhe intfombi lencane yalungisa emabhudze ayo, nayo yonkhe lenye

intfo, beyi ‘toba naloluswane,’ yebo, mnumzane, beyi ‘nguye lona Jehova lambita.’ Tonkhe tinhlobo tetintfo tachubeka. Yebo, mnumzane. ‘Yebo-ke, manje, silindzele yena, indvodzakati yami, kutsi ikhulelwe.’ Lona lomunye wacabanga *lona*, yonkhe intfombatane beyikufuna. Kwase kwendlulwa iminyaka. Labanye babo benwaya inhloko yabo, batsi, ‘Lowomprofethi lomdzala wemanga.’ Kodvwa kwakuyiminyaka lengemakhulu lasiphohlongo kamuva. Akashongo kutsi iyokhulelwa *nini*, Watsi beyitokhulelwa! Eminyakeni lengemakhulu lasiphohlongo kamuva intfombi ntfo yakhulelwa.”

⁵⁸ Manje fakazi wekugcina, uma nitongicolela, ngingaba ngufakazi wekugcina na? Loko akukho ke emuva eBhayibhelini, loko ngumanje. Angibe ngufakazi lolandzelako, imizuzu lembalwa nje ngaphambi kwekutsi sicale lilayini lalabakhulekelwako. Futsi lalelisani. Ngitsandza kuniketa bufakazi baKhe. Ngingatsanza kubitelwa ebhokisini, futsi ngiphakamise sandla sami kukhuluma liCiniso, kute lutfo lolunye ngaphandle kweliCiniso.

⁵⁹ Ngitotsandza kusho kutsi, ngabakanjani ngumKhristu? Babe wami namake, mkhulu, gogo, nhlangotsi totimbili, bonkhe bebatoni. Imvelo yami yayingumangulube, ngiyoke ngibe kanjani luhlavu lwakolo na? Kodvwa ngalokunye kusa endlwaneni lencane yetingodvo entasi eKentucky, kusho make wami nembelekisi kanjalo, ngaMabasa 6, ngensimbi yesihlanu ekuseni, 1909, ngesikhatsi iNkhosi Nkulunkulu ingiletsa emhlabeni, kwabakhona kuKhanya lokume efasitelweni lelincane. Futsi ngesikhatsi bavula lelifasitelo, make alele embhedzeni lomncane welikhoba, kutfola kutsi hlobo lunilweluswane lebekanalo, kuKhanya kwangena kuvunguta. Nebantfu betintsaba bebangati kutsi bacabangeni ngaKo. Bengimncane kakhulu kwati loku.

Futsi njengemntfwana, cishe loneminyaka lesiphohlongo budzala, iminyaka lesikhombisa noma lesiphohlongo budzala, Ngetfwele emanti ngiwayisa ekuphiseni tzwala babe wami lebekanako. Futsi kuseyintsambama lefutfumele yangeNyoni, nighleti phansi, ngikhala, ngiyodweba esitibeni nebfana, futsi ba... angikhonanga kuchubeka ngenca yekutsi ngangifanele ngetfwale lamanti. Ngeva kungatsi Sihhushuhushu esihlahleni, cishe hhafu kwenyuka. Kuthulile, yonkhe lenye indzawo, ngeNyoni e-Indiana, yonkhe intfo cishe ithulile, ifile, ibindzile. Futsi leSihhushuhushane esihlahleni, nako kuphuma liPhimbo lapho, futsi latsi, "Ungalokotsi ubheme, unatse, ungcilise umtimba wakho (ngekugijima nebesifazane), nomayini lenjengaleyo, ngoba kunemsebenti wakho lotowenta uma sewukhulile." Futsi namake wami wabita dokotela, bekacabanga kutsi nganetfukile.

⁶¹ Liviki emvakwaloko, ngabona liBhuloho laMasipala, esitfongwaneni nje, njengoba ngikubita kanjalo, ngibone

liBhuloho lamaSipala lelewela uMfula i-Ohio, ngabona indvodza lalishumi nesitfupha alahlekelwa kuphila kwawo kulo. Iminyaka lengemashumi lamabili nakubili kusukela ngalolosuku, liBhuloho laMasipala lelewela endzaweni lefanako, nendvodza lalishumi nesitfupha alahlekelwa kuphila kwawo kulo.

⁶² EGreen's Mill ngalobunye busuku, ngingati kutsi loku kwakumayelana nani...Kamuva ngaba ngumshumayeli kutokhonta iNkhosi. EGreen's Mill ngalobunye busuku... Belusi bami bebasanza kungitjela nje...Bengibatjela ngekuhamba, ngibene...kukhona kubona tintfo, futsi bangitjela kutsi kwakungudeveli. Nami ngingumKhristu, ngangingafuni kutihlanganisa ngalutfo nadefeli, nhlobo. Ngako ngenyukela lapho, ngatsi, "Nkhosi, ngingeke ngavumela... ngendlule emphilwени kanjena." Futsi ngahlala etulu lapho endzaweni lencane emuva le enkambu yekudweba, ngikhuleka. Futsi ngalobunye busuku lapho, njengoba iNkhosi yakhulumna nami, nasesihlahleni, njengoba Yenta kuMosi. Khona-ke khona lapha kuleGreen's Mill, nako kungena iNdvodza futsi yangitjela loko, ngingetami kuyibuta, "Kuyekela Loku," kodvwa Kwakusipho lesitfunyelwe sivela kuNkulunkulu, lebesitotsatfwasiyiswe kubantfu belive, futsi kungatisa ngemiBhalo kutsi tonkhe letintfo leti letetsenjiswi nekeweliBhayibheli tifanele tigcwaliseke, kutsi sikhatsi sasesisondzele.

⁶³ Futsi ngabuyela emuva ngase ngitjela umelusi wami. Ngehla futsi ngamtjela, futsi watsi, "Billy, udleni? Bewuneliphupho, ngabe bekuliphupho lelesabisako na?" Kodvwa, kimi, kwakunguMalakhi we 4. Watsi, "Utokwenta kanjani?" KwakunguLukha 17:30. KwakuSambulo futsi se 10. Futsi bekungiyo yonkhe lemiBhalo leyetsenjiswel tinsuku tekugcina. Angikakuboni kwentiwa ngaso lesosikhatsi. Bantfu bamangala, "Kutokwenteka nini loku na?" Kodvwa ngavele ngabambelelnje.

⁶⁴ Ngalelinye lilanga emfuleni, bengibhabhatisa bantfu labangemakhulu lasihlanu emfuleni, ngesikhatsi, masinyane nje, lokuKhanya lokufanako lokungenako ngesikhatsi ngisengumfanyana. Futsi ngangibatjelile bantfu kutsi bengikuBona. Batsi bengiphupha futsi kwakuluhlobo lolutsite lwemcondvo lebenginawo. Kodvwa embikwebantfu labangetulu kwetinkhulungwane letisihlanu, ngensimbi yesibili entsambama, nga 1933, kuvela etibhakabhakeni kuta leLifu lehla, likhulumna lamaVi lawa, "Njengoba Johane umBhabhatisi watfunywa kwendvulela kufika kwekulacala kwaKhristu, inkonzo yakho iyokwendvulela kufika kwesibili kwaKhristu," lapho tinkhulungwane letiphindvwae katinkhulungwane tebantfu tikuvi, nemaphephandzaba aniketa bufakazi ngako.

⁶⁵ Ngifuna kutsi, futsi ngifuna kutsi akunake loko lomshushisi loyimphumphutse localata umuntfu lotsite kutsi abe netibati

temanyeva netipikili, nayoyonkhe intfo kanjalo. Akusho loko! Akuniki setsembiso lesinjalo.

⁶⁶ Sifundza lapha kuLukha, sahluko se 17 nelivesi lema 30, Jesu akhuluma, “Njengoba kwakunjalo etinsukwini taseSodoma, kuyoba njalo lapho iNdvodzana yemuntfu iyokwembulwa khona.” Lapho Seyembulwa khona! Ngifuna kudvonsela emehlo enu kuloku imizuzu lembalwa nje, uma nitongibeketelela emizuzwini lembalwa nje manje. Hloniphani ngekutitfoba impela imizuzu lembalwa nje.

⁶⁷ Caphelani, Jesu wetfwala emagama lamatsatfu; iNdvodzana yemuntfu, iNdvodzana yaDavide, iNdvodzana yaNkulunkulu. Bekenemagama lamatsatfu. Ngumuntfu lofanako wonkhe nje, kodvwa unemagama lamatsatfu. NjengeYise nje, iNdvodzana, Moya loNgewe; nguNkulunkulu lofanako nje, tincenye letintsatfu.

⁶⁸ Njengami nje. Umkami ungibita ngemyeni. Bantfwana bami abakaphatselani nami ngeligama lemyeni, ngingubabe wabo. Umtukulu wami lomncane lohleti laphaya, akaphatselani nami egameni lababe, akukho lutfo egameni lemyeni, ungumtukulu wami. Futsi konkhe ngumuntfu lofanako.

⁶⁹ Futsi siyacaphela ngesikhatsi Jesu efika futsi wetama kutembula Yena lucobo njengeNdvodzana yemuntfu (ningaphutselwa nguloku), ngesikhatsi Atembula Yena lucobo futsi Bekatibita Yena lucobo, njalonjalo nge, “Ndvodzana yemuntfu,” Israyeli waphumphutsekiswa. Bebangati lutfo ngaloko lokwakushiwo yiNdvodzana yemuntfu. Kodvwa batsi, “Ndvodzana yaDavide,” ngesikhatsi Bathimeyosi loyiMphumphutse agijimela ngephandle futsi waMbona. *Davide* usho “iNkhosi.” Khumbulani, iNdvodzana yemuntfu, iNdvodzana yaDavide, iNdvodzana yaNkulunkulu (leyayiyiNkhosi). LomJuda wakutfola lebekakucelile ngoba wasondzela kuYe eGameni leNdvodzana yaDavide, iNkhosi; Bekangesuye uMsindzisi, kodvwa BekayiNkhosi.

⁷⁰ Kodvwa ngesikhatsi wesifazane longumGrikhi, umSirofenikhe asondzela kuYe egameni leNdvodzana yaDavide, Akazange ngisho aphakamise inhloko yaKhe. Bekangenalungelo kutsi aMbite ngeligama leNdvodzana yaDavide. Bekangesiyo iNdvodzana yaDavide kulowo wesifazane longumSirofenikhe. Kodvwa ngesikhatsi atsi, “Nkhosi,” khona-ke Wagucuka. BekayiNkhosi. Niyabona na? INkhosi, BekayiNkhosi! Akukho Ndvodzana yaDavide kuye.

⁷¹ Manje, Bekangacondvwa ngani njengeNdvodzana yemuntfu? INdvodzana yemuntfu yayisambulo sakamoya, umprofethi. *INdvodzana yemuntfu* kuchaza “umprofethi.”

⁷² Manje uma nitovula ngale emaBhayibhelini enu kuHezekiya, sahluko se 2 nelivesi le 1, nitotfolo kutsi Hezekiya bekangumprofethi, Livi laNkulunkulu lalolosuku. Futsi Jehova

cobelwaKhe wambita ngendvodzana yemuntfu. Jehova wambita ngemuntfu, indvodzana yemuntfu, ngalokufanako njengoba Jesu atembula Yena lucobo njengeNdvodzana yemuntfu. Kwakuyini na? Livi leletsenjisiwe lalelo-awa libonakaliswa, Nkulunkulu lofanako! Nkulunkulu wesikhatsi saHezekiya, Nkulunkulu wesikhatsi saJesu, iNdvodzana yemuntfu! Bekangekho ngalesosikhatsi...

⁷³ BekayiNdvodzana yemuntfu ngoba Bekafikele kutembula Yena lucobo ku-Israyeli njengemProfethi, futsi bakwencaba. Naleso kwakusiprofetho lebebafanale baMemukele kuso, egameni leNdvodzana yemuntfu, umProfethi, ngoba kwakuhambisana neLivi. Dutheronomi 18:15, “INkhosi Nkulunkulu wenu iyonivusela umProfethi lonjengami.” Futsi ngesikhatsi Efika, Watikhomba Yena lucobo enkonzweni yaKhe njengemuntfu, hhayi iNdvodzana yaNkulunkulu, iNdvodzana yemuntfu! Nkulunkulu unguMoya. Futsi Watembula Yena lucobo njengeNdvodzana yemuntfu, loko Lebekatisho kutsi ungiyo. Futsi bebaphumphutsekisiwe futsi bangakuboni.

⁷⁴ Kodvwa manje kubetive Utembula Yena lucobo, futsi manje iNdvodzana yaNkulunkulu lenguMoya loNgcwele. Manje, Jesu watsi, “Njengoba kwakunjalo etinsukwini taseSodoma!”

⁷⁵ Ngifuna lomshushisi loyimphumphutse abone loku. Ungumhumushi loyimphumphutse weLivi, sonkhe sikhatsi. Utsatsa imibono yenlangano yakhe yaLo, futsi akati lutfo ngaLo kunanoma yini. Ukwentela kudukisa, ngoba ungumkhohlisi kwekucala nje.

⁷⁶ Jesu watsi, “Njengoba kwakunjalo etinsukwini taseSodoma, lapho iNdvodzana yemuntfu yembulwa khona!” Ngetinsuku taseSodoma bekayiNdvodzana (lowo kwakunguNkulunkulu) embulwe enyameni yemuntfu, lowake wabitwa ngaMelkhisedeki, uYise. Melkhisedeki ngalesosikhatsi bekangenayise futsi angenamake, futsi kungekho kucala kwetinsuku noma sipheto sempilo; noma ngabe BekanguBani, Uhlala afana. Jesu bekanaye uYise nenina; kodvwa loMuntu lona bekangenayise angenamake. Futsi Wabonakala ku-Abrahama ngesimo seNdvodzana yemuntfu, Elohim, Jehova. Manje libandla selibile nalesosikhatsi emnyakeni welibandla, emBhabhatisweni waMoya loNgcwele. Kodvwa Jesu washo lapha, kwenta Malakhhi we 4 nayo yonkhe leleminye lemiBhalo iphatseke kini, niyabona, kutsi “Etinsukwini tekugcina, ngaphambi nje kwekuBuya, umhlaba lohleti uyoba njengeSodoma, neNdvodzana yemuntfu iyotembula Yona lucobo njengoba iNdvodzana yemuntfu njengoba Yenta etinsukwini taseSodoma.”

⁷⁷ Mshushisi loyimphumphutse, awukuboni loko na? EmaVi aKhe acinisile. Hhayi tibati tetipikili nemidvwa nemanyeva.

⁷⁸ YiNdvodzana yaNkulunkulu ilingiselwa eBandleni laKhe, njengeNdvodzana yemuntfu. Kufanele kugcwalise Malakhi we 4 nayo yonkhe leminye imiBhalo. Ngibita kunaka kwenkantolo, ikubukisise loko kahle impela, “iNdvodzana yemuntfu”! NjengaNkulunkulu uYise, Nkulunkulu iNdvodzana, Nkulunkulu uMoya loNgcwele; nguNkulunkulu lofanako, tincenye letintsatfu letehlukene taNkulunkulu lofanako. Manje, lena yiNdvodzana yaDavide...iNdvodzana yemuntfu yembulwe ke njengemProfethi. INdvodzana yaDavide, iNkhosi. Futsi manje yiNdvodzana yaNkulunkulu emnyakeni welibandla, njengoba, Nkulunkulu akasuye umuntfu, Nkulunkulu unguMoya, neMoya weNdvodzana nguMoya loNgcwele, lowembula umnyaka welibandla. Kodvwa wetsembisa lapha, “Etinsukwini tekugcina, kutsi iNdvodzana yemuntfu iyokwembulwa”!

⁷⁹ Mshushisi loyimphumphutse, uyakutfolo loko na? Futsi ngifuna wati, mshushisi loyimphumphutse, siyaLibona, siyaLikhola, lamaVi lawa agcwalisekile embikwetfu futsi siyati kutsi aliCiniso.

⁸⁰ KumaJuda BekayiNdvodzana yaDavide. KumaGrikhi BekayiNkhosi, kitsi kutsi UyiNkhosi, kubetive. Futsi manje etinsukwini tekugcina, Bekatobuya futsi njengeNdvodzana yemuntfu, ngoba Malakhi wetsembisa kutsi kuyobakhona umprofethi lovukako etinsukwini tekugcina loyobuyisela tinhlitiyo tebantfu tibuyele ku (tisuke kuletotinhlangano) emuva eVini lasekucaleni, kuKholwa kwabobabe, iPhentekhosti yasekucaleni. Futsi ngesikhatsi Akwenta, Johane loNgcwele 14:12, lemisebenti Layenta iyokwentiwa futsi. Sambulo se 10 setsembisa yonkhe imfihlakalo. Utotembula kanjani letimfihlakalo na? Niyakubona loko Luther lakushiya, niyakubona loko Wesley lakushiya, niyakubona loko iPhentekhosti leyakushiya, futsi embule imfihlo yenhlitiyo, kukwenta kube nguNkulunkulu lofanako kuwowonkhe umnyaka, lokungesilutfo ngaphandle kweLivi laNkulunkulu libonakaliswa emuva eNdvodzaneni yemuntfu futsi. Asibuki tibati tetipikili; sibheke Livi lelibonakaliswe. Caphelani, Nkulunkulu wetsembisa letintfo leti manje, futsi Ukwenta njengoba nje Asho. Bengingasho lokunengi, kodvwa, sitosiyekela lesifundvo, sekuhamba sikhatsi.

⁸¹ Mnumz. Mshushisi, ngifuna wati kutsi ngingabita tinkhulungwane tabofakazi lapha kulentsambama. Ngifuna wati kutsi letintfo Latsi Watenta, sibofakazi kutsi “Uyaligcina Livi laKhe!” Ukhona umhlangano sibili waMoya loNgcwele! Akhona emandla mbamba aNkulunkulu! Futsi sikhona setsembiso selucobo labatosindza kuso, uma babeka tandla etikwalabagulako. Ngifuna ukwati loko. Ngifuna wati kutsi Watsi, “Njengoba kwakunjalo etinsukwini taseSodoma, kuyoba njalo ekubuyeni kweNdvodzana yemuntfu.”

⁸² Ngisihambi, futsi ngifikaza kuperha ngaloko lokushiwo liBhayibheli kutsi kuliCiniso. Uma nicaphela, iNgelosi yeNkhosi leyeta ngesimo semunfu, yayifulatsele lithende ngemhlane Wayo, futsi Yatjela Abrahama kutsi Sara bekacabangani. Jesu watsi kuyophindzeka. Manje, uma ngikhulume liCiniso, akutsi Nkulunkulu akucinisekise loko kutsi kuliCiniso. Akutsi Yena akwembule. Khona-ke, akusyo imfihlo, siyati ke. I... Ngitoshiya lenkantolo kulentsambama nalesijubo, kutotentela emcondvweni wenu. Akutsi loNkulunkulu lowenta lesetsembiso... Hhai emuva ngaletotinsuku; bacinisekiswa. Akutsi loNkulunkulu lowenta lesetsembiso asicinisekise namuhla, ashо lokufanako. Labanye benu, cabangani enhlitiyweni yenu, khulekani kuNkulunkulu ngekugula kwenu noma kuhlaseleka kwenu, futsi nibone kutsi Nkulunkulu utoyembula yini imfihlo yenhlitiyo. Ngikuphonsela insayeya kutsi ukwente, ngalapha nangalapha. Manje, ngingalokotsa yini ngente intfo lenjengaleyo kube bengingakemi kahle hle kuloko lokushiwo ngumBhalo na? Ngifuna lenkantolo kutsi ibone kutsi Unguye itolo, namuhla, naphakadze, kutsi Uyasigcina setsembiso saKhe. Futsi Wetsembisa kutsi Jesu Khristu uyokwembulwa ngetinsuku tekugcina, njengeNdvodzana yemunfu. [Akucoshwanga etheyiphini—Umhl.]

⁸³ Indvodza ihleti lapha iphetfwe maphayili. Angikaze ngikubone emphilweni yami. Uma loko kunjalo, phakamisa sandla sakho. Uyangikhola kutsi ngenikete bufakazi beLivi laNkulunkulu na? Lowo ngumkakho lolohleti eceleni kwakho. Uyagula naye, unesimila enhloko yakhe. Kunjalo, phakamisa sandla sakho. Uyakhola kutsi Nkulunkulu angangitjela kutsi ungubani na? Uma Asolo aLivi, Livi lati imfihlo yenhlitiyo. Wena unguMnumz. naNkkt. Hunt. Uma loko kunjalo, phakamisa sandla sakho. Kungani ningaKukholwa na?

[Lomunye dzadze ucala kukhuluma ngalolunye lulwimi. Akucoshwanga etheyiphini—Umhl.]

⁸⁴ Lapha, naku kuhleti indvodza ihleti khona lapha, inhloko yayo ikhotseme, iyakhala, itikhulekela yona lucobo kanye nemkayo. Akekho lapha. Akekho kanye nawe kulentsambama. Uyagula. Ucabanga kutsi Nkulunkulu angangitjela kutsi yini inkhatsato yakhe, futsi yena angekho lapha na? Uyakukholwa na? Uyakhola? Ngisihambi kuwe, ngabe kunjalo na? Umkakho unenkhatsato yebesifazane. Uma loko kunjalo, phakamisa sandla sakho, siphakame, kute basibone. Neligama lakho unguMnumz. Smith. Uyakhola kutsi Nkulunkulu utomphilisa na? Uma loko kunjalo, jikitisa sandla sakho sehle-senyuka, kanjena.

Nginiphonsela insayeya kutsi nikholwe kutsi Jesu Khristu wembulwa esimeni seNdvodzana yemunfu, enyameni yemunfu, ngeMtimba weMlobokati. Yemukelani kubita kwaKhe.

⁸⁵ Nangu wesifazane lohleti lapha angibuka. Uphetfwe ngumfutto wengati lophakeme. Uyakholwa kutsi Nkulunkulu angangitjela kutsi ungubani na? Bakubita ngaDaisy. Uma u... Ngabe kunjalo na? Phakamisa sandla sakho. Kholwa manje ngayo yonkhe inhlitiyo yakho, Jesu Khristu utokwenta... akunike sifiso sakho. Niyabona, Unguye itolo, namuhla, naphakadze. Niyakukholwa na?

⁸⁶ Nayi indvodza ihleti khona lapha emuva ingibuka, inemtfwalo enhlitiyweni yayo. Wendvodzana yakhe, indvodzana inesifo sashukela. Uyakholwa na? Lowo bekungumkakho lolocale kukhala edvute nawe ngco lapho, unemtfwalo enhlitiyweni yakhe. Loyo wasisi wakhe. Sisi wakhe unenkhatsato yenhliyiyo, kuhlangahlangene. Wena unguMnumz. naNkkt. Sickles. Uma loko kunjalo, jikitisa sandla sakho futsi sehle senyuka kanjena. Uma ngisihambi ngalokuphelele kuwe, sukuma ume ngetinyawo takho. Sukuma, uma ngisihambi kuwe futsi angikwati.

⁸⁷ Kuyini na? Kugewaliswa kweLivi laNkulunkulu etinsukwini tekugecina! Mshushisi, ngifuna wati kutsi Livi laNkulunkulu licinisile. Nkulunkulu wangitjela loko eminyakeni lengemashumi lamatsatfu nakutsatfu leyendlula. Ngilindze sonkhe lesikhatsi lesi, kodvwa kugewalisekile khona lapha kulentsambama. Nkulunkulu uyaligcina Livi laKhe! Unguye itolo, namuhla, naphakadze. Nkulunkulu anibusise; hambani nitfole sifiso senu manje.

⁸⁸ Umcondvo wakho ubasiti belijaji. Basiti belijaji utofanele ente sincumo salo. Futsi nendlela lowenta ngayo kusukela manje kuchubeke kutomemetela noma kukhombie kubantfu kutsi siyini sijubo sakho. Ngabe Unelicala noma Akanacala? Uyakholwa kutsi Akanacala, kutsi Uyaligcina Livi laKhe? Ngitsi lone... Silalele lendvodza lendzala Lengabeketeli, uMnumz. Longakholwa, neMnumz. Mncikati. Kodvwa manje nitokholwa kutsi Nkulunkulu uyaligcina Livi laKhe na? Umcondvo wenu ubasiti belijaji. Futsi indlela lowenta ngayo kusukela lapha itofakazela kubantfu kutsi sijubo sakho siyini. Niyakukholwa loko na? Asikhotsamise tinhloko tettu ke.

⁸⁹ Nginitjele liCiniso leletsembekile. Kube besinesikhatsi sekuhlala lapha, akukho mBhalo eBhayibhelini ngaphandle kwaloko lokutofakaza entfweni lefanako. Bengetsembekile. Niyati,ngaletinye tikhatsi, kwetsembeka akusiyio indlela lelula. Kodvwa kuphela nje uma Nkulunkulu emile lapho! Kwakungasilula kuLuther, Wesley, noma nakulalabanye. Akusilula nakuwe noma lomunye umuntfu lotsatsa sincumo. Kodvwa kulentsambama ufanele wente sincumo sakho. Akazange sekatsi...Watsi, "Bayobeka tandla etikwalabagulako, futsi bayosindza." Uma nikukholwa, khonake anginandzaba noma kwenteka khona lapha, uma kwenteka evikini lelitako, kwenteka eminyakeni lengemashumi lamabili

kusukela namuhla; uma nikukholwa mbamba, kufanele kwentekе. Ngi...

⁹⁰ Kunadokotela lohleti lokhona manje, njengoba ngicondza. Ngifuna kumbonga. Bengisesigulaneni, kubona sigulane sakhe, esikhashaneni lesendlulile, kusesekuseni kakhulu manje ekuseni esibhedlela, lesibophelelekile kutsi sife, ngako bayacabanga. Udliwe kakhulu ngumdlavuza. Nalona wesifazane lomncane watsi kimi, watsi, "Dokotela wami lohlindzako bekatsamela umhlangano wakho, futsi uyavumelana nawe. Futsi akusiko loko kuphela, kodvwa, Mnaketfu Branham, ngifuna wati kutsi ume nawe emkhulekweni wami." Kube bengidzinga kunakwa kwetekwelapha, bengiyofuna anginike kona, indvodza lengetsema Nkulunkulu kanjalo! Yebo. Bakhona kutotonkhe tindlela tekuphila, kukokonkhe kugogodzela.

Asikhumbule, sijubo sesakho manje.

⁹¹ Nkhosi Jesu, ngitamile nje kuchaza Livi. Ufakazile kutsi LiliCiniso. Bofakazi bakho, besingabita emakhulu, kepha noko asinaso sikhatsi. Lapha futsi kubekwe emaduku, labekwe lapha, leliya kulabagulako nalabahlaselekile, khona lapha lapho Moya loyiNgcwele aniketa khona bufakazi kutsi Jesu usaphila. SiMati ngekuPhila kwaKhe, kuphila Lakuphila, tintfo Latenta. Futsi siyakhuleka, Nkulunkulu, manje njengoba kubeka tandla etikwalamaduku, kutsi nomangubani lamtsintsako kwangatsi angaphiliswa. Nginikela umkhuleko wami, ngekukholwa, kanye nalesi lesinye sicuku semakholwa, ngalaba labangakhoni kuba lapha. Kwangatsi bangatfokotela bukhulu baNkulunkulu. Bangahle bagule futsi bangeke bete. Lomunye babe lomdzala tatane lohleti emuya lapho ekamelweni, akofoya ngendvuku yekudvondvolotela lencane lemhlophe, kulentsambama, alindzele leliduku kutsi libuye. Loloswane lulele lapho esibhedlela, luvutsa ngekushisa kakhulu, nalomunye alindzele kululetsela leliduku. Akutsi emandla aNkulunkulu Somandla ahamble nabo, wagcobe ngelugcobo lolufanako nalolu lobelukulomhlangano kulentsambama. Futsi kwangatsi bangasinda, Nkhosi. Sinikela lomkhuleko esikhundleni sabo, ngoba bebangekho. Kodvwa Ungulosetindzaweni tonkhe. Kwangatsi Ungaba lapho kucinisa Livi laKho, ngeliGama laJesu Khristu.

⁹² Manje akutsi Moya loyiNgcwele ngekweliciniso, hhayi lidlingozi, hhayi luhlobo lolutsite nje lwelitsema leliyihhafu, kodvwa sijubo selucobo singahle sendluliselwe loku, lengikubit a kulentsembama ngekutsi, "yinkantolo." Kwangatsi ngamunye wabo angapha bufakazi ngalokufanako, njengoba batsatsa likhadi labo lekukhulekelwa futsi babambelele etandleni tabo, lapho basendlula langembili. Kwangatsi, uma bane... bakhontwa ngekwesahluko se 16 saMakho loNgcwele, "Bayobeka tandla tabo etikwalabagulako, futsi batosindza." Njengoba inceku yaKho lekhetsiwe ime lapha futsi sibeka

tandla tetfu etikwabo, Nkhosi, kwangatsi kungakucatulula ingunaphakadze. Kwangatsi bangaphuma lapha bajabule nje impela, futsi bakhohlwe ngekutsi bake baba netinkhatsato, ngoba bacinisekile, njengoba Abrahama bekanjalo, kutsi Nkulunkulu angakhona kwenta tetsembiso Latenta. Sicela eGameni laJesu. Amen.

NgiyaMtsandza, ngiyaMtsandza
 Ngoba Wangitsandza kucala
 Futsi wangitsengel'insindziso
 Esihlahleni saseKhalvari.

⁹³ Bangakhi lonesijubo sakho? Phakamisa sandla sakho, “Nginesijubo sami.” Kulungile, nkantolo, utokhontwa ngekuya kweLivi laNkulunkulu leliNgcwele, “Letibonakaliso leti tiyobalandzela labakholwako.” Nginishiya nihleti lapha, nicabanga kutsi nganca yekutsi lesiphiwo lesi, leso lesenta nomangubani abe ngetulu kwalomunye futsi. Ninebelusi labamesabako nkulunkulu lapha. Balapha, bengitobacela kutsi beme nami langembili. Bayobeka tandla tabo ngalokufanako njengoba ngenta. Babenatsi kutsi site lapha, futsi balapha njengebakho...njengabofakazi baNkulunkulu. Betfwele bofakazi eCinisweni. Manje, singeke sitsi, “Mnaketfu Branham wabeka tandla,” ngoba tandla tami atikho ngetulu kwetabo noma tanomangubani nje lomunye. Kukholwa kwakho, sijubo sakho losikhiphile eVini laNkulunkulu. Nkulunkulu kee-... Futsi uma Nkulunkulu angayigcina leyoncenye yeLivi futsi akufakazele kini, khona-ke sewuvele uphilisiwe, ngoba ngemivimba yaKhe waphiliswa.

⁹⁴ Manje, ngifuna bonkhe labakulencenyne *lena* ngalapha, lonemakhadi ekukhulekelwa, asukume eme ngakulolohlangotsi ngaselubondzeni. Manje, wonkhe loyo lokulencenyne *lena* lapha, lonemakhadi ekukhulekelwa, sukumani nime emkhatsini waletikhala tetitulo futsi nibuke emuva ngaleyandlela. Futsi wonkhe lokulencenyne *lena* lapha, lonemakhadi ekukhulekelwa...Manje, kule—lencenyne *lapha*, manje nijike ngalelenye indlela manje, nibuyelete emuva ngalendlela. Nijike ngalelenye indlela, ngoba ngifuna lilayini lelicondzile. Wonkhe lokulencenyne *lena*, aphume ngalendlela, babuke emuva kuleyandlela. Futsi wonkhe lokulencenyne *lena* etulu lapha, lonemakhadi ekukhulekelwa, aphume ngalendlela futsi abheke *lena*, naletilayini lalabakhulekelwako litobe ligijima. Wonkhe losesitezi, lonemakhadi ekukhulekelwa, lofunu kukhulekelwa, akete khona laphansi futsi angene ngemuva kulencenyne lelandzelako lapho baseta. Lapho baseta, ngi...

⁹⁵ [Umnaketfu Branham ukhuluma nebashumayeli ngembili—Umhl.] Niyafuna ngibite labanye bashumayeli? Ngabe kulungile kuniketa bufakazi na? Konkhe, ngabe kulungile kini nonkhe na? Sitsini sijubo *senu* ekutekweni

kwalelicala? [Lomnaketfu uyaphendvula, “Ngiyati kutsi letotintfo tiliCiniso.”] Kulungile.

⁹⁶ Belusi ufunu kwati, ufunu inhhlanganyelo nalalabanye bashumayeli. Bafuna nomangumuphi umshumayeli ekhatsi lapha lokholwa nguNkulunkulu, futsi akholwe kutsi kubeka tandla etikwalabagulako, uma sijubo sabo kulentsambama, kutsi sona si “Liciniso,” bayakumema njengemlingani wabo kutsi ute lapha futsi ume langembili natsi sisakhuleka. Bonkhe belusi logcwaliswe ngaMoya waNkulunkulu, nesijubo sakho manje ngabe loko uyakholwa kutsi Unguye itolo, namuhla, naphakadze, uyakholwa kutsi Makho 16 uliCiniso, labelusi laba lapha ufunu kunimemela enhla lapha manje njengebalingani babo eVangelini. Yenyukela lapha futsi nime langembili natsi njengoba senta lamalayini alabakhulekelwako, kutokhuleka. Khona lapha, benyusele ngalapha. Bonkhe belusi kulesakhwiwo, akunandzaba kutsi nguliphi lihlelo. Bangitjela nje kutsi ngingicelle. Yenyukelani lapha uma nifisa kuta kulesikhatsi lesi, futsi bente lelilayini lalabakhulekelwako kutsi bakhulekelwe, bakhulekele labagulako, kubeka tandla etikwalabagulako.

⁹⁷ Bangakhi ekhatsi lapha longa...losindzile, manje, futsi awudzingi kutsi ukhulekelwe, kodvwa ningemakholwa, phakamisa sandla sakho. Ningangetsembisa futsi kutsi imikhuleko yenu itokwenyuka natsi tsine belusi lapho sisakhulekela labantfu laba? Kube ke loyo bekungumake wakho lolome lapho ke? Kube ke loyo bekungumakho ke? Kube ke loyo bekungumnakenu noma dzadze ke? Khumbulani, ngumake walomuny’umuntfu, ngubhuti walotsite, ngudzadze walomunye umuntfu, ngumfana wamake lotsite noma intfombatane, walomunye umuntfu. Futsi sitokwenta kulabanye njengoba singafuna kulabanye kutsi bente kitsi. Manje, ngifuna nine, wonkhe umuntfu kutsi ahloniphe ngekutitfoba nangemkhuleko.

⁹⁸ Futsi lapho sebawentile emalayini abo njengamanje, kuyalapho bekangefika khona, Ngifuna bashumayeli manje kutsi bete lapha futsi bente lilayini leliphindvwe kibili eceleni ngco kwalapha ngembili, lenyuuke futsi lehle ngalendlela, bente emalayini lamabili kute bantfu bendlule lapho. Ngitobuyisela lombhobho emuva, uMnumz. Borders utobe eme lapha ahola liculo. Kunjalo, lilayini leliphindvwe kibili enhla nasentasi ngalendlela, khona bantfu...

⁹⁹ Manje, kulowo nalowo kini lome elayinini, kukwenta kuciniseke ngalokuphindvwe kibili kuSathane, umshushisi, kutsi sincumo sakho sentiwe. Sincumo sakho sesendlulile, kutsi uyakholwa kutsi Makho we 16 uLivi laNkulunkulu, futsi LiliCiniso, futsi uta ngalelilayini kutsi ubekwe tandla. Futsi kusukela kulesikhatsi lesi kuchubeke, kwenta kwakho kutofakazela kutsi sijubo sakho besiyini. Phakamisa sandla sakho, futsi utsi, “Ngetsembisa Nkulunkulu loko.” Konkhe lokukulelo layini.

¹⁰⁰ Manje asikhuleke. Babe wetfu loseZulwini, i...labantfu laba, kulentsambama, baphetfwe njengenkantolo. Ngiyeva, Nkhosi, Ubene—nekutekiswa licala sibili. Philatu akazange aKunike luhlobo lolufanele. Watfola bofakazi bemanga. Kodvwa Wena weca ngetulu fakazi wemanga. Lo—loFakazi loVikelako, Moya loyiNgcwele ufikela kufakazela Livi embikwebantfu. Ube nesivivinyo lesikahle. Nebantfu sebacabangisisile, basendlulisile sijubo sabo sebasiti belijaji, batsi, futsi bayendlula kutofakaza eveni kutsi bayalikholwa Livi laKho linjalo. Kuhunyushwe ngalokungesiko. Labanye babo batsi, “Ake ngikubone wenta *loku*, angikubone wenta *loko*.” Akuhambisani neLivi laKho. Livi latsi, “Bayosindza.” Futsi siletse bofakazi ngembili, kufakazela kutsi nguloko Lokushito. Wenta tintfo ngendlela yaKho luCobo.

¹⁰¹ Manje, ngiyakhuleka, Babe, kutsi Utosipha letibusiso leti kulentsambama kubantfu. Njengenceku yaKho, nangato tonkhe letinye tinceku taKho, emakhulu ato lapha, sinikela umkhuleko wetfu ngalabantfu laba. Gcoba labelusi laba labakahle, Nkhosi. Umncikati uyefika njalo, noma longakholwa, noma uMnumz. Longabeketeli, noma ngumuphi walabo bagceki, bahhalatasi lobekhona kuwowonkhe umnyaka, uma beta ngalabantfu laba, kwangatsi lenkantolo kulentsambama ingakhala imelane nayo, bufakazi babo. KuNowa, njengoba kwakunjalo etinsukwini taNowa, njengoba kwenteka emihleni yaseSodoma, bobabili bangena ekubhujisweni. Kutsi bahhalatisa kanjani futsi bahlekisa! Kodvwa akwentanga mehluko, emakholwa abambelela ngco eVini. Futsi sesilungele kubambelela eVini kulentsambama, Babe. ngitihlanganisa mine lucobo nalabanye belusi baKho lapha, kubeka tandla etikwalabantfu laba, kwangatsi emandla aNkulunkulu Somandla, Lesatiko kutsi akhona manje acinisekisa Livi, angasindzisa ngamunye wabo. NgaJesu Khristu iNkhosi yetfu. Amen.

¹⁰² Mnaketfu Roy, uma ungeta langembili. Yonkhe inhloko ikhotseme manje, wonkhe umuntfu akhuleka futsi ahlabela. Uma ungakhuleki, hlabela *Kholwa Kuphela*. Lapho usendlula, kholwa nje, wendlule. Akunandzaba nje kutsi utsini noma wentani, loko kukuwe. Uma uftuna kumemeta, umemete. Futsi uma uftuna kuhamba usuke...Akunandzaba kutsi kuyini, kholwa nguNkulunkulu nje. Suka uhambe bese utsi, “Sekucatululiwe enhlitiyweni yami.” Njengekutsi nje uma uye echibini kuyobhabhatiswa. Loko kuyakucatulula, uma ukukholwa. UngumKhristu kuphela nje uma ukholwa. Ngabe kunjalo na? Futsi nitophiliswa kuphela nje uma nikholwa. Asikhuleke sonkhe manje. Kulungile, Mnaketfu Borders. [Umnaketfu Branham ukhulekela labagulako. Akucoshwanga etheyiphini—Umhl.]

...kholwa kuphela.

Site sibonane! site sibonane!

Site sibonane etinyaweni taJesu;

Site sibonane! site sibonane!
Nkulunkulu abe nani size sibonane futsi!

¹⁰³ Ngishumayela Livi laNkulunkulu kini. EGameni laJesu Khristu, kwangatsi nonkhe ningemukela loko lenikucelile. “Uma utsi kulentsaba, ‘cukuleka,’ futsi ungangabati enhlitiyweni yakho, kodvwa ukholwe kutsi lolokushito kutofezeka, ungaba nako lokushito.” Uma ukhuleka, kholwa kutsi uyakwemukela loko lokucelile, futsi utophiwa kona. Ngishumayela eGameni laJesu Khristu. Ngikhola kutsi sijubo setfu sesentiwe futsi sesikhishiwe netento tetfu tiyafakazela manje kutsi siyakholwa, futsi siyati kutsi Uphilisile. Uma ngingaphindzi ngnibone ngakuloluhlangotsi lolu lwemfula, ngiyohlangana nani ngesheya. Khona-ke Moya loyiNgcwele lomkhulu Lobekasimenywa setfu kuleliviki, lapha kanye natsi futsi usikhontile, Uyofakaza kini ngalesosikhatsi kutsi nginitjeliCiniso. Kute kube ngulesosikhatsi:

Site sibonane! site sibonane!
Nkulunkulu abe nani site sibonane futsi!

Asikhotsamise tinhloko tetfu manje.

¹⁰⁴ Ngekuthula sibili nangebumnandzi. [UMnaketfu Branham uhamisha *Site Sibonane*—Umhl.]

¹⁰⁵ Kwangatsi emagagasi ekufa angatsi shelele phambi kwakho. Kwangatsi Nkulunkulu waseZulwini, loyo Bukhona baKhe lesikubo, angahlala njalo anigcina niphephile size sibonane.

Nkulunkulu akubusise, mnaketfu. Ngiyakutsakasela. 

KUTEKWA KWELICALA SSW64-0419
(The Trial)

LoMlayeto ngeMnaketfu William Marrion Branham, kwekulala wetfulwa ngesiNgisi ngeliSontfo ntsambama, ngenyanga yaMabasa 19, 1964, eMcKay Auditorium eTampa, eFlorida, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Luku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org